

վարդապետական իշխանութեամբ բաշխեցէ զաստուածաշնորհ մեռոնն սրբութեամբ, ի մէջ աստուածասէր և բարեպաշտ ուղղադաւան հաւատացելոցդ հայկազան սեռիդ, սիրով Հոգոյն: Խնդրեմ ի հարազատ որդեկացդ, զի դուք էք մեծ սիւն և հաստատութիւն սուրբ աթոռոցոյ Էջմիածնայ, զի յամենայն ժամ ձեօք պարծիմք, և ձեր ընծայիւք և առատատուր ողորմութեամբն է շէն և պայծառ սուրբ աթոռս. վասն որոյ հայցեմ ի ձէնջ զի յորժամ հասցէ առ ձեզ սիրելի որդիտ մեր, սիրով և քաղցրութեամբ ընդունիլիք, հարազատական լրջմտութեամբ պատուեալ մեծարեալիք, զմիմեանս յորդորելով, դատաւոր առ դատաւորն, իշխան առ իշխանս, ժողովուրդք առ ժողովուրդն. ամենեքեան վառելով ի հոգեւոր նախանձն, յորդորիչք և յօժարեցուցիչք լինիլիք առ միմեանս. որ յորդառատ սիրով և հեշտալրական քաղցրութեամբ ընծայեցէք զձեր հոգւոյ նուէրն զոր առ մեզ շնորհէիք: Եւ մանաւանդ քան զնուիրակութիւնն կրկնակի օգնութիւն իմն կու խնդրեմ ի ձէնջ. քանզի յոյժ բազմացեալ է պարտքն ի վերայ սուրբ տանս, այս քան՝ զի պարանոցաթաղ կեամք ի մէջ պարտուցն. և այլ բազում վիշտք են մեզ, զորս ձանձրութիւն է թուելն. այլ ի հոգեւոր որդոյտ իմոյ լուիլիք. զի բերան առ բերան պատմեսցէ ձեզ զանցքն մեր: Եւ դարձեալ կրկին թախանձանօք խնդրեմ սիրելի եղբօրէդ իմոյ Պարոնտիրէդ և ի քահանայիցդ և ի մեծաշուք դատաւորացդ. զի փութանակի գործառնութեան դորին օգնական և թելադիր լինիլիք, զի մի յետասցի, և տոկոսն ի վերայ պարտուցն բարդեցցի. զի կամքն մեր այս էր, զի բոլոր տունս Յունաց ի դա էաք յանձնեալ, հանդերձ երեք վարդապետօք, զի նուիրակեցեն. այլ վասն պարտուցն որ կարի նեղացուցին զմեզ, երկու երեք նուիրակ այլ առաքեցաք յամենայն կողմանս. զի մինչեւ Յայտնութիւն աւարտեցեն. և դուք ևս մի յամեցուցանէք, զի մինչեւ Յայտնութիւն Քրիստոսի գերկիրդ Լեհաց և Ուռումէլու՝ աւարտեցէ, և դարձցի և բերցէ զձեր հոգոյ պտուղն և հաւատոյ ընծայն՝ առ սուրբ աթոռս. և մի վեր ի վերոյ տեսանէք՝ թէ ըշտապեցուցեալ եմք: Այլ և խնդրեմ զի ամենայն ինչ լիապէս հոգաօլիք, թէ Հոգէբաժին, թէ Քառասնից, թէ յիշատակ, լիապէս ընդ իւրաքանչիւր պարտիք հատուցանել. զի սրտին սէրն ի ձեռացն սուրքն կու երեւի. զի մինչեւ ցայժմ ամենայն նուիրակք մեր շնորհակալութեամբ և առատատուր արդեամբք (են) ուղաւորել, և նարդեանս եւս քան եւս պարտիք զնոյն սէրն և գութն ցուցանել. զի ձեր առաջին պլտուղն այս է որ գա(զայ) առ մեզ. որպէս վայել է ձեր աստուածսիրութեանդ՝ այնպէս արասլիք:

Քրեցաւ ի թուականիս Հայոց ՌՃԺ. յունվարի ԺԲ, աւրն շարաթ: